

— He aha te NCEA?

MANA TOHU MĀTAURANGA O AOTEAROA



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

— He aha te NCEA?

He aha te NCEA?

Ko te NCEA te tohu motuhake mō ngā kura tuarua o ngā tauira puta noa i Aotearoa.

Ko te tikanga o te kupu NCEA ko te National Certificate of Educational Achievement. E toru ōna wāhanga taumata 1, 2 me te 3 he mea whai e ngā tauira mai i ngā tau 11 ki te 13.

Mā ngā tauira katoa te NCEA – mō te hunga e aru ana i te whare wānanga, mō te hunga e whai ana i ngā mahi tauira, otirā mō te hunga e aru ana i ngā pūkenga hei whiwhi mahi ina wehe atu i te kura. Ka whakaawengia ō kaupapa ako i te huarahi ako e hiahiatia ana e koe.

Te whai i ngā whiwhinga

I ngā rā ō mua i whakamātauria te tauira ki tētahi whakamātautau hei te mutunga o te tau, he toru hāora te roa, mā reira i kite i ngā akoranga o tērā marau.



He whakamātautau whakahirahira hei te mutunga o te tau (e kī ana he aromatawai ā waho) hēoi ka whakamātauria hoki koe i roto i te roanga o te tau – ka kīa he aromatawai ā roto i te mea ka whakamātauria ki “rō” kura.



Te āhua nei kei pōhēhē he maha ake ngā mahi mō te aromatawai ā roto, hēoi anō, kāore e āheitia ana te whakamātau i ngā pūkenga katoa mā te noho ki te whakamātautau – He aha te take o te tuhi e pā ana ki te whakamātautau Pūtaiao pēnā ka tāea e koe te whakatinana me te kite i ēra hua ā kanohi; He aha te take o te tuhi i te whaikōrero pēnā ka tāea e koe ki te tū ki te whaikōrero?

E mawehe ana ngā kaupapa ako ki ngā mōhiohio me ngā āheinga hei whakatūtukitanga māu – he paerewa ēnei i te mea ka whakatauria i te paerewa.

Kei ia paerewa he whiwhinga hei taunaki i tētahi tohu. Ko tētahi marautanga ako pērā i te reo Ingarihi taumata I e whakaako ana i ngā paerewa wha ki te tekau neke atu i te 20 ōna whiwhinga.

Atu i te noho whakamātautau reo Ingarihi mō te toru hāora, ka whakaritea kētia ko tētahi hōtaka ako hei tiro noa i te whakatakoto i tētahi tuhinga ōkawa, he whakakī rā anō i tētahi tātai pūmanawa, he waihanga me te whakaputa hoki i tētahi whaikōrero. Ko ētahi o ēnei paearu ka whakamātauria hei te mutunga o te tau, ā ko ētahi hei te roanga o te tau

Ki te eke koe i te taumata I NCEA me whiwhi i a koe ngā whiwhinga 80. Tae rā anō ki ngā paearu mō te pānui, arā te tuhituhi me te pāngarau (arā te reo matatini me te tohu tau).

Ka tāea e koe te kohi whiwhinga mō te roanga o te tau ā roa ake i te kotahi tau rānei – ina mau i a koe ērā whiwhinga ka pupuringia mō ake tonu atu. Ka mutu ka tāea e koe te tiro tiro i ērā whiwhinga i a koe e ako ana.

Me angitu te aro

Ina whiwhi i a koe ō hua ka mārama koe ki te uara o ngā whiwhinga me te mea nei ka mōhio koe mā te – “NCEA level 1, passed.”

Ko ngā hua e whakaatu ana i te paetae me tētahi reta – N, A, M, E.

Ko ngā whakamārama: Not Achieved, Achieved, Merit, me te Excellence.

Mā tēnei e mātau ai koe ki te paerewa tika ana. Hei maumahara noa ko te E mō te Excellence (Kairangi). Nō ngā rā tawhito kē te E e whakaatu ana i te kūare.

Ki te rahi o whiwhinga ki te paetae Kaiaka, Kairangi rānei (50) ka tohua tō tiwhikete NCEA ki te Kaiaka, Kairangi – koinei te tohu whakamananga.

He aronga pai tēnei māu kia aro ki tua o te 80 whiwhinga.

He whai tikanga te Kaiaka me te Kairangi mō ngā huarahi ako e whāia ana e koe.




Pēnā he 14 whiwhinga ki te Kaiaka, Kairangi mō tētahi hōtaka ako, hei taura Pāngarau, Pūoro ka whiwhi koe i te tohu whakamananga.

Ka ārahi ēnei hua i te hunga e tuku mahi ana ki a koe ina puta koe i te kura – pēnā he whai mahi, he whai mātauranga rānei i roto i ngā kura tini e whakaarohia nei e koe.

Me takahi i te ara tika

Ko tō wā i te kura he takahanga waewae, nō tōna tīmatanga he huarahi uaua āhua kūare ana ki ngā tohu o te wā, hēoi tāria te wā ka waia hāere koe ki te tūhura i tēnei huarahi me ētahi wāhi, whakaaro hōu.





Me matua mōhio koe i tō ara, ā me rautaki te aro atu ki ngā paerewa e tika ana mō tō huarahi ako. Me mātau koe ki ō kaupapa ako me tōna taunaki i ō whāinga. Me ngana koe ki te eke i ngā paetae teitei.

Ki te whai koe i te mahi, i ngā akoranga kura tini rānei me whai koe i ngā whiwhinga e hāngai pū ana ki tērā kaupapa kia tirohia ēnei whiwhinga e rātou. Ki te whakarōpū koe i ētahi kaupapa ako kei te taumata 3 ka tōpungia ērā hei Whakaurunga Whare Wānanga.



Hēoi kei pōhēhē koe mā tō Whakaurunga Whare Wānanga koe e kuhu ki ngā hōtaka ako. Kei te hiahia tonutia o ngā whare wānanga te kite i ngā whāinga paetae ikeikeo. Koinei te take me angitu te aro.

Hei whakatepe noa

Me matua mōhio koe i ngā paerewa e akonatia ana e koe hei taunaki i o whiwhinga i roto i ngā mahi e hiahia ana e koe ina mutu te kura. I te mea whakamanangia ana te NCEA puta noa i te ao ka āhei e koe te ako i ngā whare wānanga o rāwāhi.

Ka mutu me ihumanea te karawhiu kia kaha ki te whiwhi Kairangi, Kaiaka rānei ki ngā paearu e āheitia ana.

Mēnā he pātai āu, matapaki me ō mātua, tō whānau rānei, kōrero rānei ki ngā mātanga: uiuingia ō kaiako, tirohia rānei te whārangi ipurangi www.nzqa.govt.nz/ncea – wāea rānei kia NZQA 0800 697 296.



Te Mana Tohu Mātauranga o Aotearoa

Wāea 0800 697 296

Īmēra helpdesk@nzqa.govt.nz | www.nzqa.govt.nz

He mea whakaputa i te tau 2011

E rikarika katoa ana mātou ki te
rongo mai i a koe me o whakaaro.
Tēnā koa tirohia te whārangi:
<http://www.nzqa.govt.nz/brochures>
ki reira whakatakoto i o kōrero.



New Zealand Government